

საქართველოს პრეზიდენტის

ბრძანებულება №681

2013 წლის 2 სექტემბერი

ქ. თბილისი

„სამსახურებრივი ავტომატების გამოყენების წესის შესახებ“ საქართველოს პრეზიდენტის 2000 წლის 11 აგვისტოს №364 ბრძანებულებაში ცვლილების შეტანის თაობაზე

1. „ნორმატიული აქტების შესახებ“ საქართველოს კანონის მე-20 მუხლის შესაბამისად, „სამსახურებრივი ავტომატების გამოყენების წესის შესახებ“ საქართველოს პრეზიდენტის 2000 წლის 11 აგვისტოს №364 ბრძანებულების (სსმ, III ნაწ., 2000 წ., №73, მუხ. 685) მე-4 პუნქტით განსაზღვრულ იმ სამინისტროებისა და უწყებების ჩამონათვალში, რომლებიც სამსახურებრივი მოვალეობის შესრულებისათვის სარგებ-ლობენ ოპერატიული და სპეციალური დანიშნულების ავტომატებით (დანართი N2), შეტანილ იქნეს შემდეგი ცვლილებები და დამატებები:

ა) მე-9 პუნქტი ჩამოყალიბდეს შემდეგი რედაქციით:

„9. საქართველოს გარემოსა და ბუნებრივი რესურსების დაცვის სამინისტრო.“;

ბ) მე-10 პუნქტი ამოღებულ იქნეს;

გ) მე-15 პუნქტის შემდეგ დაემატოს შემდეგი შინაარსის მე-16-მე-18 პუნქტები:

„16. საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება - გარემოსდაცვითი ზედამხედველობის დეპარტამენტი.

17. საქართველოს გარემოსა და ბუნებრივი რესურსების დაცვის სამინისტროს სისტემაში შემავალი საჯარო სამართლის იურიდიული პირი - ეროვნული სატყეო სააგენტო.

18. საქართველოს გარემოსა და ბუნებრივი რესურსების დაცვის სამინისტროს სისტემაში შემავალი საჯარო სამართლის იურიდიული პირი - დაცული ტერიტორიების სააგენტო.“.

2. ეს ბრძანებულება ამოქმედდეს გამოქვეყნებისთანავე.

საქართველოს პრეზიდენტი

მიხეილ სააკაშვილი

